

清代文字獄史料彙編

本社古籍影印室輯

北京圖書館出版社

本社古籍影印室輯

「**清代文字獄史料彙編**」

北京圖書館出版社

⑭

新學
社
PDG

(清) 沈德潛撰

沈歸愚詩文全集

清乾隆間教忠堂刻本



第十四冊目錄

沈歸愚詩文全集 (清) 沈德潛撰	一
歸愚詩鈔餘集卷十	一
顧序	五九
歸愚詩餘	六三
傳序	九三
矢音集目錄	九七
矢音集卷一	九九
矢音集卷二	一三五
矢音集卷三	一六五
矢音集卷四	二〇七
歸田集序	二四一
歸田集	二四五

南巡詩	四〇九
八秩壽序	四二一
八秩壽詩	四四三
九秩壽序	四六七
九秩壽詩	四八一
黃山游草	五〇九
台山游草	五三七
浙江通省志圖說	五五五
大獄記 (清)黃人輯	六二三
字貫案 孟森撰	七二一

歸愚詩鈔餘集卷十

長洲沈德潛歸愚

立身

人之立身貴挺貞幹素絲染黑色難回換未協中行毋狂寧狷狂可偽為狷能自斷勢云混茫躋登有岸百里為程九十猶半

謹言

出言不慎禍機時伏良言溫和惡言流毒以口戕口悖無不復守口如瓶瓶防覆覆後悔已晚前譬當贖金人三緘勉哉自勗

退讓

人思上人爭端斯起
齷齪歟歟攢如蟲蝗
禮實為讓力行身體
同田讓畔同行讓趾
六鷁退飛回步準此
終身讓人師朱仁軌
地曠天空行雲流水

改過

盡善良難得過偶誤
護過過積病入沈痼
有過改之跼回舜路
萬里路分從前失步
勇行毋需自強莫助
秦穆榮懷誓由悔悟

顧星橋遊任城太白
酒樓少陵南池作歌
紀勝客多和作予亦
繼和

人生胸中有奇畧遇名勝處必憑弔任城李杜留
古蹟專待奇人筆騰躡星橋上登太白樓樓頭縱
酒澆牢愁尚友知章並巢父放眼濟汾窮黃流歌
呼謫仙疑響應欲與上下論千秋俯臨南池勺水
地洗馬鳴蟬懷古句許身稷契憑心游去國間關
等目遇江東渭北境各分兩賢存沒同情愴懷古
放筆揮長箋光芒煜耀聲蕭蕭縱之橫之復沈着
那肯降格趨便娟友朋和詩兼作畫王二痴作圖要使
佳話人流傳我昔任城停策蹇酒樓南池恣遊覽
鯁生拜謁李杜壇語極小心仍放膽於今閱歷三

紀餘詩卷飄零歸黯澹披吟星橋酬唱作緩堂
勁敵服其敢中懷鼓舞神方酣老我蹲蹲還坎坎

韓氏小林屋詩

幽虛洞天忽在城市周君東村堆詭竒歸氏湛初
樂栖止枕流漱石長子孫百餘年後家遷徙先哲
韓貞文買宅眠烟雲貞文幸脫馬阮禍避地於此
全天真原嘗春陵素斷絕顧厨俊及皆同人時來
論文復縱酒追話南渡醜正惡直羣狺狺後來祖
龍忽降雲軒然棟宇遭烜燼林木焦爛琴鶴空古
洞惟留白石鑿文孫補瓢起重築駕屋梯雲追往

躅添籌高閣奉親餘種樹引泉遶空谷石芝石筍
緬在神顏以令名小林屋補瓢中壽令嗣接武夷
葉風流後人述祖招邀世好共觴酌老我蹒跚猶
舊雨入古洞遊清虛雖無金庭與玉柱隔凡髣髴
同紆徐我来炎月廩秋冷如可以靜坐可以操觚
貞文文筆植根柢補瓢詩卷無枝梧左披右覽心
已醉何必更向包山竊禹書

漫與

風來月到豈尋求目想心游付短謳洞裏桃花無
漢魏梁間燕子有春秋東坡慎重三千牘太白高

談十二樓我意不然惟漫與一生何苦事冥搜

張睢陽廟

暨陽江畔睢陽廟遺像尊嚴厲有神力障孤城經
百戰深明天道在人倫勁兵援救遲三日鄰境嬉
娛忌二臣堦下烏金鑄羣醜安祿山史思明尹路
旁公憤斫還瞑

隨口吟

夢中得前四句後足成之

世途隱躍千層浪心地寬閒四季春皓月自能邀
醉客名花何必惱詩人為無為處消凡慮材不材
間置此身夢裏庶蕉俱勿擾那知九域有勞薪

杜文貞公贊

脫賊難奔靈武救房琯安上皇拜杜鵑而激憤念
龍池而感愴遠依朋舊滯巴蜀浮舟江漢殂耒陽
披公詩集知讀書萬卷許身稷契望京華而每飯
不忘瞻公遺像知杜陵之在草堂比屈左徒之沅
湘陶徵士之柴桑豈獨三朝詩史光文苑于有唐

讀杜詩

詩三百篇騷廿五能崛起者杜陵翁拔地倚天星
宿海千門萬建章宮友朋留滯兵戈際稷契襟
懷奔竄中宋人偏誚村夫子遺却黃鐘聽候蟲

除夕送世求歸里

老屋微薰楫拙烟依然腐糲作離筵君行百里崑
山路一葉舟中度兩年

戊子元日

年九十六

百年三萬六千場舊今日尚賒千八百條風拂拂
東南來和氣着人融體脉屠蘇後飲獨老翁微醉
兩旁藉扶掖童孫十數拜膝前以首領之難盡識
性同陶令懶折腰并殊汲黯惟長揖去歲先支半
月春庭前卉木看甲坼西山晴雪欲放梅南畝連
雲待抽麥五風十雨占有年不轉枯槁披襪禳鄰

人歡喜聽我言行市豚蹄祀先穡諛詞願我百歲
餘從茲日夕安眠食

詠梅

菊死蘭摧衆樹髡幾株鐵骨卧雲根開春寂寂惟
孤立臨水垂垂自一村寫爾高寒難出手與人投
契在無言只愁曉角吹殘候何處能招仙子魂

伍子胥

胸懷怨毒走強鄰破楚興吳志已伸却使讓邦成
篡奪進鱗諸者是誰人

陶靖節

晉有處士存中年謝官守山川非舊容松菊自吾
友撫松契正直餐菊延衰朽意非取沉酣興到時
飲酒道可隨汙隆口能緘擊剖黃唐邈難追彌縫
重魯叟至今西山節高風緬五柳

觀長生殿劇

天長地久兩情綿一破潼關頓棄捐雨際聞鈴荒
主泣墓前觀機衆人憐道流海外傳仙語私誓秋
宵締宿緣舊事淒涼誰寫出江南零落李龜年

觀盡忠傳奇座上作

小朝廷議犬狺狺大將長驅捷比神拓地十年誣

作叛格天一德聳稱臣

秦檜建一德格天之閣

莫須有定風

波獄歸去來全明哲身從此國讐無可報萬年遺

臭欵金人

恭題

御詠棉花圖詩即以祝制府方宜田七十壽

島夷卉服即吉貝經著其名未詳脩漢代始有棉
之稱外域貢入中華界花黃如葵實如雪實亦稱
花混區別去核揚花織成匹衣被可補幽風缺初
由關隴及南東燕薊相延等吳越所嫌播種芟摘
收成方九宇未免分工拙宜田制府績作圖上陳

黼座詳形模

天章昭回麗雲漢神農耒耜經同符制府賡颺綴
幅末

一心一德唐虞如繫昔杜陵廣廈千萬間遮蔽天
下寒士安如山白傳大裘非繒纊展覆杭州人士
無號寒兩公虛願未能遂制府寔效周人寰老少
貧富徧取暖豈獨樹桑墻下五十以上披羅紈沐
公陽煦功祝公壽稠疊七十誰云是古稀

盛世老人百四十

湖北湯雲山
御賜再閱古稀額

公今忠敬抒

悃忱國計民生賴綏緝七秩年華同少壯邦畿三